

«Հաստատում եմ»

Շիրակի Մ. Նալբանդյանի անվան պետական համալսարանի  
ռեկտոր Ե. Մերոբյան



06 մայիսի 2026թ.

**ԿԱՐՄԻՔ**

**ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ**

Գոռ Վահանի Մելիքսեթյանի «Դիզայն առարկայի դասավանդման մեթոդիկան ԲՈՒՀ-ում» վերնագրով, ԺԳ.00.02 թվանիշով «Դասավանդման և ուսուցման մեթոդիկա (կերպարվեստ)» մասնագիտությամբ մանկավարժական գիտությունների թեկնածուի գիտական աստիճանի հայցման ատենախոսության վերաբերյալ

Գ. Վ. Մելիքսեթյանի «Դիզայն առարկայի դասավանդման մեթոդիկան ԲՈՒՀ-ում» խորագրով ատենախոսական գիտական աշխատանքն իրականացված է թեկնածուական թեզի պատրաստման պահանջներին համապատասխան և ավարտուն ինքնուրույն հետազոտություն է:

Հետազոտության թեմայի արդիականությունն ընդգծվում է ոչ միայն ժամանակակից ԲՈՒՀ-ի կրթապայմաններում գեղարվեստական կրթության կարևորությամբ, այլև այս խնդիրների առնչությամբ ապագա նկարիչ մանկավարժի մասնագիտական կարողությունների ձևավորման հենքով խորը մենագրական հետազոտությունների բացակայությամբ:

Այս իմաստով Գ. Վ. Մելիքսեթյանի ատենախոսությունը ժամանակի պահանջի արձագանքն է:

Հետազոտական աշխատանքը բաղկացած ներածությունից, երկու գլխից /7 ենթագլուխ/, եզրակացությունից, օգտագործված գրականության ցանկից, 3 հավելվածից:

Ներածությունում հիմնավորվում է հետազոտության խնդրի արդիականությունը, բանաձևվում են հետազոտության օբյեկտն ու առարկան, նպատակը, խնդիրները, հետազոտության գիտական ենթադրությունը և հետազոտման ձևատեսությունը, նրա

գիտական նորարարությունը, տեսաբանական և գործնական արժեքը, արմատավորման ձևերը, պաշտպանության ենթակա դրույթները:

Ատենախոսության առաջին գլուխը նվիրված է դիզայն դասընթացի գիտատեսական մեթոդաբանական հիմքերին բուհական կրթությունում, որի առաջին ենթագլխում ներկայացվում են դիզայնի առաջացման սոցիալ-մշակութային պայմանները և ժամանակագրությունը: Երկրորդ ենթագլխում դիզայնի ուսուցման մանկավարժահոգեբանական պայմանները, և տեղեկատվական տեխնոլոգիաների կիրառումը մանկավարժական դիզայնի ուսուցման գործընթացում երրորդ ենթագլխում:

Հետազոտության երկրորդ գլխում բացահայտվում են դիզայնի դասավանդման ձևատեսությունն ու բովանդակությունը մանկավարժական համալսարանի գեղարվեստական կրթության ֆակուլտետում, հիմնավորվում են ապագա նկարիչ-մանկավարժների մասնագիտական կարողությունների, հմտությունների ձևավորման և զարգացման պայմանները, ձևակերպվում հայեցակարգային դրույթները, մշակվում մանկավարժական դիզայն առարկային առաջարկվող մոդելը, իրականացման գեղարվեստամանկավարժական պայմանները:

Եզրահանգման մեջ բերվում են հետազոտության հիմնական հետևությունները:

Հավելվածներում ներկայացված են.

ա/ դիզայնի հայեցակարգային ծրագիրը (հ. 1),

բ/ ուսանողների կատարած ծրագրային պատկերագրական առաջադրանքներ (հ. 2),

գ/ դիդակտիկ պատկեր-աղյուսակներ, մշակված ուսանող-դասախոս

համագործակցությամբ (հ. 3), որոնք համոզիչ և ակնառու կերպով բացահայտում են անցկացված փորձարարության ընթացքն ու արդյունքները:

Որպես Գ. Վ. Մելիքսեթյանի ատենախոսության առանձնահատուկ դրական դրսևորում՝ հարկ է նկատի ունենալ նրա կողմից լայնորեն և խորությամբ օգտագործված փիլիսոփայական, արվեստաբանական, մանկավարժական, հոգեբանական և ձևատեսական գրականությունը, փորձարարական ձևատեսության հանգամանալի մշակումը, համոզիչ, ինքնատիպ համակարգի ստեղծումը:

Ատենախոսական հետազոտության արդյունքում լուծված են առաջադրված բոլոր խնդիրները, հաստատված է գիտական ենթադրությունը: Այսպիսով, ատենախոսը կատարել է մի հետազոտություն, որով իրականացվում է պետական, հասարակական-մշակութային կարևոր նշանակություն ունեցող գիտական խնդրի լուծում:

Գ. Վ. Մելիքսեթյանի գիտական նորարարությունն ու տեսաբանական արժեքն ամփոփվում է դիզայն առարկայի դասավանդման առանձնահատկությունների դրսևորմամբ՝ որպես իրականության գեղարվեստական արտացոլման յուրահատուկ ձև, որպես կերպարվեստի ուսուցչի մասնագիտական կրթության զարգացման միջոց՝ կրթական, հաղորդակցական, կազմակերպչական, ուսումնադաստիարակչական ոլորտում:

Հետազոտության գործնական արժեքայնությունը որոշարկվում է նրանով, որ ատենախոսը մանկավարժական դիզայնի դասավանդման հեղինակային ձևատեսություն է ստեղծել բուհական կրթության հիմքով, իրենց արդյունավետությունը փաստող ձևատեսական հանձնարարություններ մշակել: Նա հեղինակել է ուսումնական ձևատեսական ուղեցույցներ, ծրագրեր:

Անցկացված տեսաբանական և փորձարարական հետազոտության արդյունքում ատենախոսը մի շարք եզրահանգումներ է կատարել, որոնք առանձնահատուկ կարևոր նշանակություն ունեն ասպագա նկարիչ-մանկավարժների գեղարվեստական կրթության խնդրի ձևատեսական հետազոտման և նրանց մասնագիտական կարողությունների կատարելագործման առումով: Մասնավորապես, այդ եզրահանգումները վերաբերվում են նրան, որ ատենախոսի փորձարարական հետազոտությունը հաստատում և համոզիչ կերպով ասպացուցում է դիզայն առարկայի մեծ հնարավորությունները գեղարվեստական կրթության ֆակուլտետի ուսանողների գեղարվեստաստեղծագործական հմտությունների, նրանց հոգևոր մշակույթի ձևավորման, հոգեկան բոլոր այն կառույցների /տեսողական ընկալումներ, պատկերային հիշողություն, պատկերային մտածողություն, պատկերի վերարտադրում/ զարգացման մեջ, որոնք հանրագումարում որոշարկում և արտահայտում են այս կամ այն ուսուցչի անհատականությունը: Սա պահանջում է սովյալ խնդրի դիտարկում բոլոր տեսանկյուններով /վերը նշված կառույցները/, ինչը

իրականացված է այս հետազոտության մեջ: Ընդ որում, ուսանողի անձի մանկավարժական մշակույթի զարգացմանը հաղորդակից հոգեբանական գործընթացների, դրսևորումների բացահայտման հանգամանալիությունն ու խորքայնությունը որոշարկում է նաև ընտրովի դասընթացների ուսումնատեսական հնարքների, ուղիների, միջոցների ու ձևատեսական հանձնարարությունների մշակման խորքայնությունն ու հանգամանալիությունը:

Ուսանողների մասնագիտական կարողությունների զարգացման գործընթացի ուղղորդման խնդիրը, ինչպես նշում է հեղինակը, կարող է որակապես լուծվել դիզայն առարկայի դասավանդման ճիշտ ախտորոշման պարագայում:

Ապագա նկարիչ-մանկավարժի մասնագիտական կարողությունների ուսումնասիրման ատենախոսի մշակած հատուկ քարտեզն ամրագրել է նրանց գեղարվեստական նախագծումների իմացությունների, ունակությունների, հմտությունների աստիճանը և համապատասխան որակները կերպարվեստային տարբեր ոլորտներում:

Մասնագիտական կարողությունների և հմտությունների աստիճանը գեղարվեստական գործունեության յուրաքանչյուր ոլորտում որոշարկվում է չորս ցուցիչներով.

- տվյալ ոլորտում ուսանողի /ապագա ուսուցչի/ գեղարվեստական իմացությունների, ունակությունների, հմտությունների աստիճանով,
- գեղարվեստա-գեղագիտական գործունեության ազդակային դրդապատճառներով,
- ԲՈՒՀ-ում ուսանողների կողմից նախագծային խնդրառու վիճակների լուծման ճշգրտությամբ,
- գործունեության տարբեր ոլորտներում ուսանող-դասախոս, ուսանող-ուսանող փոխհարաբերություններում գեղարվեստամանկավարժական կենսունակության աստիճանով:

Փորձարարության արդյունքների ամփոփումն ու վերլուծությունը վկայում են այն մասին, որ մանկավարժական ԲՈՒՀ -ում դիզայն առարկայի դասավանդման մշակված փորձարարական ձևատեսությունը /ուսումնատեսական համալիր հայեցակարգային ծրագրեր, ձևատեսություններ, մանկավարժի գործունեության մոդել, ձևատեսական ցուցումներ, դիդակտիկ աղյուսակներ/ և այդ հիմքով ապագա

կերպարվեստի ուսուցչի մասնագիտական կարողությունները և հմտությունները զգալիորեն արդյունավետ են և ամբողջականորեն ապահովում են նրանց մանկավարժական մշակույթի ձևավորումը:

Այսպիսով, Գ. Վ. Մելիքսեթյանի ատենախոսական հետազոտությունը գրված է գիտական-ուսումնաստեսական բարձր աստիճանով և հասարակական-մշակութային կարևոր նշանակության գիտական խնդրի լուծում է հանդիսանում, ինչը էական ներդրում է ապագա նկարիչ-մանկավարժների մասնագիտական կրթության և գեղարվեստաստեղծագործական կարողությունների տեսական և գործնական ընթացքի հետագա մշակման մեջ:

Այս ամենով հանդերձ, հարկ է նշել գրախոսվող ատենախոսության վերաբերյալ որոշ նկատառումներ.

1. Ատենախոսության գլխակարգային բովանդակության, ներածության մեջ բավականաչափ մեծ ուշադրություն է հատկացված ուսանողների մասնագիտական ներուժի բացահայտմանը, որպես ապագա ուսուցչի գեղարվեստական կրթության միջոցի: Մինչդեռ ատենախոսության մեջ բավականաչափ հստակ չի արտահայտված հանրակրթական դպրոցներում այդ կարողությունների կիրառման տեսանկյունը:

2. «Մանկավարժական դիզայն» առարկայի բնութագիրը ինչպես Հայաստանում, այնպես էլ արտերկրում, որպես ուսումնական առարկայի, մինչ այսօր սակավ է վերլուծված:

Նշված բացթողումները սկզբունքային նշանակություն չունեն և չեն կարող նվազեցնել ատենախոսության գիտական արժեքը:

Գ. Վ. Մելիքսեթյանի ատենախոսության հիմնական բովանդակությունն ամբողջովին արտացոլված է նրա հրապարակումներում, գիտական ինքնուրույն աշխատության բովանդակությունը համապատասխանում է ատենախոսության բովանդակությանը:

**Եզրակացություն.**

Գ. Վ. Մելիքսեթյանի «Դիզայն առարկայի դասավանդման մեթոդիկական ԲՈՒՀ-ում» վերնագրով ատենախոսությունը համապատասխանում է ՀՀ ԲԿԳԿ-ի գիտական աստիճանների շնորհման կարգի 7-րդ կետի պահանջներին, իսկ նրա հեղինակն արժանի է իր հայցած ԺԳ.00.02 թվանիշով «Դասավանդման և ուսուցման մեթոդիկա

